

# 10 dana u Tunisu: DJERBA + SOUSSE – let iz Sarajeva

**Termini putovanja: 25.05.2026. - 03.06.2026. / boravak 10 dana, 9 noćenja sa all inclusive uslugom**

## **PROGRAM PUTOVANJA:**

### **1. DAN / 25.05. / SARAJEVO – DJERBA (Tunis)**

Sastanak putnika kod šaltera ELITE TRAVEL-a na Međunarodnom aerodromu Sarajevo, 2h30 prije leta /Nouvelair/ (planiran u 11:10h po lokalnom vremenu). Nakon prijave za let, pasoške i carinske kontrole, ukrcavanje u avion. Po slijetanju na otok Djerba, planirano u 12:25h po lokalnom vremenu, pristupanje pasoškoj i carinskoj kontroli, te transfer autobusima do odabranog hotela. Početak usluga u hotelu prema pravilima hotela.

### **2. DAN / 26.05. / DJERBA**

Slobodan dan za vlastite aktivnosti.

### **3. DAN / 27.05. / DJERBA**

Današnji dan iskoristite za poludnevni **fakultativni izlet** po otoku.

Izlet na otok Djerbu, zvanu "otok idile i zaborava" te "otok tisuće palmi" počinje vožnjom mimo starorimskog nasipa El Kantare, jedine ceste prema kopnu. Zatim polazak prema selu Guellala, poznatom po lončariji, gdje možete otkriti tajnu čudesne deve, popeti se na najviši vrh na otoku i posjetiti muzej koji prikazuje tradicionalni način života. Izlet završava na tržnici glavnoga grada Houmt Souka, gdje ćemo imati priliku za slobodno vrijeme i okušati se u vještini cjenkanja.

### **4. DAN / 28.05. / DJERBA – MATMATA – DOUZ – DJERBA (jednodnevni izlet s ručkom)**

Za ovaj dan predlažemo cjelodnevnu **fakultativnu posjetu** kopnenom dijelu juga Tunisa.

Izlet počinje prelazom preko morskog tjesnaca između otoka i kopna trajektom ili vožnjom preko rimskog nasipa. Zatim nastavak puta preko prostranih plantaža maslina prema gorju Matmata, i posjet tradicionalnoj berberskoj trogloditskoj kući gdje neki od Berbera i danas žive u tradicionalnoj kulturi. Slijedi put prema gradu Douzu, poznatom i kao "Vrata Sahare", gdje ćete imati priliku otkriti tajnovitu i beskonačnu pustinju jašući na devi. Pauza za ručak (piće uz doplatu). Slijedi povratak u Matmatu a prije povratka na otok Djerbu zaustavit ćemo se u selu Tamezret, gdje možete probati čaj od mente s bademima. Povratak u hotel.

### **5. DAN / 29.05. / DJERBA**

Slobodan dan za vlastite aktivnosti.

### **6. DAN / 30.05. / DJERBA – EJ LEM – SOUSSE / MONASTIR**

Odjava iz hotela, te organizovani transfer modernim turističkim autobusima ka sjeveru zemlje. Obilazak čuvenog amfiteatra El Jem iz 3. stoljeća, najvećeg rimskog amfiteatra u Africi, drugom po veličini iza čuvenog Coloseuma. Nastavka putovanja ka odabranim hotelima u gradovima Sousse i Monastir. Ručak u hotelu i početak korištenja usluge hotela prema pravilima hotela.

### **7. DAN / 31.05. / SOUSSE / MONASTIR**

Slobodan dan za vlastite aktivnosti.

### **8. DAN / 01.06. / SOUSSE / MONASTIR**

Slobodan dan za vlastite aktivnosti.

### **9. DAN / 02.06. / SOUSSE / MONASTIR**

Slobodan dan za vlastite aktivnosti.

### **10. DAN / 03.06. / MONASTIR – SARAJEVO**

Transfer autobusima od hotela do međunarodnog aerodroma u Monastiru. Nakon prijave za let za Sarajevo /Nouvelair/, pasoške i carinske kontrole, ukrcavanje u avion za let planiran u 08:00h po lokalnom vremenu. LET MONASTIR – SARAJEVO. Po slijetanju u Sarajevo kraj usluge, planirano u 11:00h po lokalnom vremenu! **Kraj programa.**

## CIJENA ARANŽMANA po osobi u standardnoj dvokrevetnoj sobi:

HOTELI	USLUGA	Za rezervacije sa popustom do 10.03.2026.	Redovna cijena od 11.03.2026.
HOTEL DJERBA CASTILEE 4* - 5 noćenja HOTEL ROSA BEACH 4* MONASTIR - 4 noćenja	ALL INCLUSIVE	<b>1.300 KM</b>	<b>1.500 KM</b>
HOTEL DJERBA GOLF RESORT 4* - 5 noćenja HOTEL SOUSSE PALACE 5* SOUSSE - 4 noćenja	ALL INCLUSIVE	<b>1.600 KM</b>	<b>1.800 KM</b>

CIJENE ZA DJECU, JEDNOKEVETNE SOBE I POPUSTE ZA 3. I 4. ODRASLU OSOBU, TE DOPLATE ZA SOBE SA POGLEDOM NA MORE I DODATNE USLUGE NA UPIT

## CIJENA ARANŽMANA UKLJUČUJE:

- Povratnu avio kartu sa uključenim aerodromskim taksama na relaciji Sarajevo – Djerba / Monastir – Sarajevo;
- Prijevoz prtljage avionom 20 kg + 5 kg ručne prtljage po osobi;
- Povratni transfer od aerodroma do hotela na destinaciji;
- Smještaj u hotelu Djerba Castille 4\* ili hotel Djerba Golf Resort & Spa 4\* na Djerbi od 25.05. do 30.05. na bazi 5 noćenja sa uslugom All inclusive u dvokrevetnim standard sobama
- Smještaj u hotelu Rosa Beach 4\* Monastir ili hotel Sousse Palace 5\* Sousse od 30.05. do 03.06. na bazi 4 noćenja sa uslugom All inclusive u dvokrevetnim standard sobama
- Transfer turističkim autobusom Djerba - Sousse
- Izlet: Obilazak amfiteatra El-Jem
- Usluge predstavnika agencije na destinaciji;
- Putno-zdravstveno osiguranje za lica do 60 godina starosti (*obzirom na godinu rođenja*);
- Troškove organizacije aranžmana.

## CIJENA ARANŽMANA NE UKLJUČUJE:

- Putno-zdravstveno osiguranje za lica preko 60 godina starosti (Lica od 60 do 75 godina starosti plaćaju uvećanu premiju u iznosu 3 KM po danu. Lica starija od 75 godina nisu obuhvaćena polisom zdravstvenog osiguranje, te se trebaju individualno osigurati);
- Neobavezno osiguranje od otkaza putovanja od strane putnika, te osiguranje prtljage, COVID osiguranje i sl;
- Boravišna taksa 8 TND za hotele 3\* i 12 TND za hotele 4\* i 5\* po osobi po danu. (1 EUR = 3,3 TND); Plaćanje je na recepciji hotela, gdje su djeca do 11,99 godina starosti oslobođena plaćanje takse.\* Ministarstvo turizma Republike Tunis ima pravo u svakom trenutku da vrši korekcije cijena boravišne takse.
- Fakultativni izleti i posjete (plaćaju se na destinaciji predstavniku agencije);
- Doplata za jednokrevetnu sobu;
- Individualne troškove putnika.

## VAŽNE NAPOMENE:

- Putovanja započinje, odnosno računa se, sa dolaskom na aerodrom Sarajevo (dva sata prije leta), a završava se povratkom na aerodrom Sarajevo, zadnjeg dana, sa prolaskom pasoške i carinske kontrole.
- Cijene su izražene u konvertibilnim markama (KM) po osobi, sa smještajem u dvokrevetnoj standard sobi. Pogled more i drugi zahtjevi posebno se plaćaju.
- Bebe do 1,99 godina starosti ostvaruju GRATIS aranžman;
- Organizator putovanja ne snosi odgovornost u slučaju bilo kakvih promjena vezano za let od strane avio kompanije ili otkazivanja leta;
- Obzirom da su vremena letova podložna promjeni, molimo putnike da tačan red letenja provjere 24h prije polaska na put;
- Uz ovaj program putovanja i cjenovnik važe Opšti/Opći uslovi/uvjeti putovanja Organizator putovanja koji su dio ugovora o putovanju;
- Za otkaz rezervacije „ranog bookinga“ (RB), nakon isteka datuma za rani booking, organizator zadržava cjelokupan iznos aranžmana, osim u slučaju smrti putnika;
- Klijenti su dužni da se upoznaju sa programom i opštim uslovima putovanja Organizatora putovanja i da svojim potpisom na prijavi - obračunu ili uplatom avansa, daju saglasnost sa istim.
- Trajanje aranžmana određeno je brojem kalendarskih dana, računajući od dana početka do dana završetka putovanja, a ne brojem sati između sata polaska i povratka. Vrijeme polaska, dolaska, kao i trajanje putovanja je uslovljeno procedurama na graničnim prijelazima, stanjem na putevima, dozvolama nadležnih vlasti, na koje organizator ne može uticati, te zbog toga navedeni razlozi ne mogu biti predmet prigovora putnika. Kod avio aranžmana, ugovoreno vrijeme početka putovanja je sastanak putnika na aerodromu 2 sata ranije u odnosu na prvo objavljeno vrijeme polijetanja od strane avio kompanije, pa u slučaju pomjeranja navedenog vremena (što može zavisiti od niza okolnosti: tehničkih, vremenskih, bezbjedonosnih uslova, dozvola kontrole leta i sl.) organizator putovanja, budući da na iste nema uticaja, ne snosi nikakvu odgovornost, već se primjenjuju važeći

propisi i uzanse u avio saobraćaju. Po pravilu, odlazak i dolazak aviona kod charter letova je u kasnim večernjim, noćnim ili ranim jutarnjim satima, te ako je putniku obezbijeđen ugovoreni prvi ili posljednji obrok u vidu tzv. hladnog obroka u smještajnom objektu ili van istog (npr. u avionu) smatra se da je program putovanja u cjelosti izvršen;

- Smještajni objekti i smještajne jedinice, prevozna sredstva i dr. usluge opisani su prema službenoj kategorizaciji domicilne zemlje u vrijeme objavljivanja Programa, različiti su i nisu uporedivi po destinacijama, pa ni u okviru iste destinacije. Ishrana, komfor i kvalitet usluge zavise prevashodno od cijene aranžmana, izabrane destinacije i kategorizacije određene po lokalnim-nacionalnim propisima i van nadzora i uticaja su Organizatora;
- U većini hotela ulazak u sobe je poslije 14:00h, a iste se posljednjeg dana boravka napuštaju najkasnije do 12:00h ili ovisno o satnici charter leta (u slučaju ranih jutarnjih ili kasnih večernjih letova, na koje agencija ne može uticati, putnici ne mogu tražiti umanjenje cijene za eventualni obrok koji ne mogu da iskoriste u hotelu. Također se ne može tražiti umanjenje cijene ili refundacija za hotelske usluge koje nisu korištene zbog participacije fakultativnim izletima;
- Raznovrsnost, kvalitet hrane i servisa ishrane, zavisi pretežno od visine cijene aranžmana, kategorije objekta, destinacije i lokalnih običaja bez obzira da li je usluživanje po principu samoposluživanja ili posluživanja (menija). Usluga All inclusive i bilo koja druga podrazumijeva usluge po internim hotelskim pravilima i ne mora biti identična ni u okviru iste kategorije na istoj destinaciji. Organizator ne snosi nikakvu odgovornost za neadekvatno izvršenu uslugu ishrane;
- Organizator putovanja ne prihvata reklamacije i povrat sredstava na posebne ponude (last minute, ultra first/last minute, fortuna programe), te gratis putovanja;
- Usluge turističkog vodiča, pratioca, lokalnog vodiča, animatora ili lokalnog predstavnika ne podrazumijeva njihovo cjelodnevno i kontinuirano prisustvo, već samo kontakt i neophodnu pomoć Putniku po unaprijed utvrđenim terminima periodičnog dežurstva objavljenih na oglasnoj tabli ili na drugi prikladan način;
- Nosiocima BH pasoša nije potrebna viza za ulazak i boravak do 90 dana u Tunisu;
- Viza za Tunis za nosioce pasoša Srbije je potrebna i istu trebaju pribaviti individualno u ambasadi Republike Tunis prije putovanja;
- Organizator putovanja nije ovlašten i nije u mogućnosti da cijeni valjanost putnih isprava putnika prijavljenih za putovanje. Svaki putnik odgovoran je za ispravnost svojih isprava;
- Maloljetne osobe koje putuju u pratnji samo jednog od roditelja/staratelja, treba da imaju adekvatnu punomoć drugog roditelja/staratelja za izlazak iz BiH, potrebno je blagovremeno se informisati kod granične policije BiH;
- Po pravilima avio kompanije trudnice na letu mogu putovati do 28. sedmice trudnoće bez posebnih potvrda. Od 28-36. (32. za blizance) sedmice trudnoće uz odobrenje doktora ne starije od 7 dana. Poslije 37. (33. za blizance) sedmice trudnoće trudnica nije dozvoljeno da lete;
- Uslijed promjena na monetarnom tržištu Organizator putovanja zadržava pravo korekcije cijena.